

# Peij ko an Ijo Jokwe ie ilo Pacific

ENNAAN EO AN ERIA BŪREEJTŌNJI EO

## “Itok, n̄an Roñjake Ainikien juon Rikanaan”

Jen Elder James J. Hamula, Būreejtōn eo an Eria

**J**uon iaan kōjeram̄man ko reļlap an mour in ilo raan ko āliktata ej kōn tōre in em̄man n̄an roñjake ainikien juon rikanaan. Ak kōn juon kōjeram̄man ej itok eddo eo eļap. Ejjab wōt ilo ad aikujin roñjake ainikien, jej aikuj barāinwōt pokake e. Innām jenaaj lukkuun in jeram̄man.

Ilo jinoin naan in m̄adenļok ko An ilo raan-ko āliktata, Irooj eaar kūr aolep armej n̄an roñjake Ainikien O kom̄ armej in kabuñ eo aō . . . aet, em̄ool Ij ba: Roñjake kom̄ armej jen ijo ettoļok; im kom̄ ro rielōñ ko in lometo, kom̄in roñjake (lale D&C 1:1). Ilo m̄ool, kūr in ej n̄an aolep armej ro ijoko jabdewōt (lale D&C 1:2). Innām eñin ej jipadpad in kōnono eo ilo tōre in ad—wōn enaaj roñjake ainikien Irooj, im wōn ejamin? Ekōjkan an juon eo ej uwaake kajitōk in naaj jeļā mejānkajik an juon eo ewabanban im jab wabanban. Irooj eaar kalikar e etke bōtōktōk[ū] ejamin karreoik [eok] eļañne [kwoj jamin] roñjake eō (lale D&C 29:17).

Eļañne juon ej kōñaan n̄an roñjake im pokake ainikien Irooj, eaikuj in pukōt rikanaan eo an Irooj. Irooj Make eaar kwaļok bwe Ainikien enaaj āinwōt jen lōñin rijilōk ro aō, ro Iaar k̄alet er ilo raan ko āliktata (D&C 1:4). Ilo m̄ool Irooj eaar ba meñe jen ainikiō make, ak jen ainikien ro rikarejara, ejjeļok oktak (D&C 1:38). Ilo an pedped in katakin jelet aolep ro rikarejeran Irooj ro rej kōnono kōn kajoor eo an Jetōb Kwojarjar (lale D&C 68:1–6), eñin ealikar bwe Irooj ej kajju kōnono n̄an kōj kōn rikanaan ro An.

Mokta jen ejaak eo an Kabuñ in, Irooj eaar jiroñ Joseph Smith: Epepen [in] enaaj bōk aō in naan kōn eok (lale D&C 5:10). Jejet ippān kalim̄mur in, ilo Eprōļ 6, 1830, raan eo Kabuñ in eaar ejaak, Irooj eaar jiroñ Kabuñ eo bwe Joseph Smith enaaj āinwōt juon rilolo, juon rukook, juon rikanaan,

juon rijilōk an Jisōs Kraist, im juon elder an Kabuñ in (lale D&C 21:1). Innām Irooj eaar kakien Kabuñ in āinwōt in: [K]om̄in roñjake aolep naan ko an im kien ko enaaj liwaj n̄an kom̄ ilo an naaj b̄uki, etetal ilo aolep jim̄we im̄aō; Bwe an naan kom̄ naaj bōke āinwōt ñe ej j̄an lōñiū make, ilo aolep kijenmej im tōmak (lale D&C 21:4–5).

Ilo m̄ool, Irooj ej kalim̄mur kōn eļap kōjeram̄man ko ñe jej roñjake im pokake rikanaan ro An. Eļañne jenaaj bōk naan eo an rikanaan ro An āinwōt ñe ej j̄an lōñin[Irooj] make, ilo aolep kijenmej im tōmak, Irooj ej kallim̄mur bwe kōjem ko an hell rej jamin anjō ioom̄; aet, im Irooj Anij enaaj kōm̄akūt kajoor ko an marokļep j̄an im̄aam̄, im kōm̄man an lañ ko wūdiddid kōn em̄man eo am, im aiboojoj n̄an etan (lale D&C 21:6). Ilo bar juon ien, Irooj eaar kalim̄mur bwe ro renaaj roñjake ainikien ro Eaar k̄alet er n̄an tōl armej ro An jamin naaj em̄makūt j̄an jikier (lale D&C 124:45). Ilo juon laļ eo eļap kōn jetōb in marokļep im kallimomo ko rej ļapļok an jab w̄anōk, Ijeļā bwe ejjeļok kallim̄mur eļapļok jen men kein.

Ruo alen ilo juon iiō, aolepen Kabuñ in ej kūr n̄an koba ippān doon ilo juon kweilok eļap an peļaaikin laļ in n̄an, “Listen to a Prophet’s Voice” (*AI*, no. 21). Jej roñjake ainikien ko ilo ad roñjake ro uwaan Būreejtōnji eo Kein Kajjuon im Doulu



*Elder James J. Hamula, Būreejtōn eo an Eria Pacific*

eo an Joñoulruo Rijilök ro, ro me Kabuñ in ej rejetak er äinwöt “rikanaan ro, rilolo ro, im ribök madenļok ro.” Men eo eaorök tata, ej jeraṃṃan in ñan roñjake ainikien rikanaan rein ej ewaļok ejjab wöt ñan ro rej pād ilo Conference Center eo ilo Salt Lake City, Utah, ak baräinwöt ñan aolep membör ro an Kabuñ in im ro ṃöttan Kabuñ in jen kadiwōjļok eo ilo jetļait, tipi, im retio, im

intörnet. Ainikien rikanaan ro emaroñ baräinwöt waļok ilo määkjiin ko an Kabuñ in me ej kwaļok kōn Kweilok eo Eļap. Ej jar eo aō in bwe, ilo ien kweilok eo eļap im aolepen iiō in, jenaaj roñjake ainikien rikanaan ro, pokake naan in kapilök im katak ko aer “ilo aolep inemṃan im tōmak,” im kile kōjeraṃan ko kar kalimṃur ilo kōṃṃane menin, jimor ñan kōj make im baamļe ko ad. ■

## PEIJ KO AN IJO JOKWE IE

### Jān Ibuļōn Marokļep ñan Meram

**Jen Catherine Vaughan (äinwöt an kar Clanny Clement kwaļok)**

Ilo 1992, Clanny Clement jān Marshall Islands eaar bök kajjitök in jen mijenede ro ro raar katakin e, ñan jar ñan Jemedwōj Ilañ im kajjitök eļañ-ñe kōjpeļ eo rej katakin e eaar ṃool. Eaar bök kajjitök in, im eaar ba bwe ej jamin naaj meļokļok eñjake eo eaar itok ioon ke eaar bukweļōlō ñan pukot juon uwaak. Eaar bök juon kaṃool eo ekajoor jān Jemedwōj Ilañ; men ko eaar ekkatak raar ṃool, im eaar imwe jen Jetōb im eaar peptaij ilo Juun in iiō eo. Kōrā eo ippān Ruth eaar peptaij juon iiō tok ālik, im ajri ro nejier raar baräinwöt erom membör in Kabuñ in.

Būromōj, jet iiō tok ālik leddik eo erūtto nejiero eaar jino lukkuun nañinmej kōn juon piba im eaar mej. Kōn buromōj eļap, im kajjitök

etke raar atin eñjake kain rōt in ekōmetak, Clanny eaar bōjrak an etal ñan ṃakūtüküt ko an Kabuñ in, im āliktata eaar bōjrak an kobatok ñan Kabuñ in. Eaar bōbraeki an mijenede ro im membör ro an Kabuñ in ro kar jitōñ er ñan loļok er, im kar pukot kaenōṃṃan jen ilkin kōjpeļ in.

Ilo 2000, Sister Clement im ajri ro nejier raar baräinwöt jino janiknik. Clanny eaar ba “Ke kōm eaar bōjrak am kar etal ñan ṃōn jar eo, juon marokļep eaar jelet ṃweo imōṃ. Kōm eaar bōjrak am riiti jeje ko am rekwojarjar, kōṃṃani jar ko am, im kōṃṃane nokon in jota ko am. Kōṃ eaar jino etal ilo iaļ ko rejenolok ilo mour im kar jerwane jetōb in loļokjeñ eo am, ļōmṃak wöt kōn kōṃ make.”

Iumwin joñoul iiō ko, Ruth eaar kile an nañinmej kōn tōñal, im kar eñtaan kōn an nañinmej. Ajri ro nejier rerūtto kiiō, im Clanny eaar eñjake bwe äinwöt juon baamļe raar lukkuun jōbwābwe imaan mejān Irooj.

Innām juon make kabwilōñlōñ eaar ūñur mour ko aer. Juon raan ilo Okwōj 2011, eaar wōr juon kōļļaļaļ ilo kōjem eo. Clanny eaar kōpeļļok kōjem eo im lo jilu emṃaan ro rej kōṃak jōōt mouj ko im tae ko, ettōñ dikdik ñan e. Eaar Stake Būreejtōn Zedhekia, Būreejtōn Betti (eo eaar aer Branch Būreejtōn ke baamļe eo an Clanny raar niknik ilo Kabuñ in), im Eria Jiljilimjuonñoul eo, Elder Taniela Wakalo; emṃaan rein raar iten loļok baamļe in.

Būratōr Clanny ej kememej raan kabwilōñlōñ in, ej ba raar eñjake juon Jetōb ekanooj kajoor ilo ṃweo imweier ke



**Baamle eo an Clement rej mōñōñō kōn ritōl ro an Kabuñ in ro raar mwer kōn Jetōb, im kar karuwaineneik er ñan rōql tok ñan Kabuñ in.**

raar kōnono ippān ritōl ro an Kabuñ in. Eaar ba “Iaar bwilōñ ke Elder Wakalo eaar kajitūkin ña ñaat eo ālitata Iaar etal ñan imōñ jar eo. Iaar uwaak, “Ratimjuon iiō.” Eaar ba,” Jouj jab kōmman bwe en joñoul”. Clanny eaar mweer im jamin naaj meļokļok naan ko rejouj me kar kwaļok jen Elder Wakalo, eo me eaar ba, “Kōmij aikuji eok im baamle eo am ñan bar rōql tok ñan Kabuñ in. Kōm naaj jipañ baamle eo am ñan etal ñan tampeļ eļañne kom naaj rōql tok. Kōmij iakwe eok im Jemedwōj Ilañ ej iakwe eok.”

Clanny eaar ba bwe eaar juon tōre mour ej oktak. Ritōl rein jilu an Kabuñ in raar bōktok meram ñan mweo imōm bar juon alen,

im raar jipañ ñan kōkajoor e im baamle eo an ioon pedped eo epen an kojpeļ in. Eaar jeļā bwe emman rein jilu raar kūr jān Anij ñan lōmōoren ro jet ilo jetōb āinwōt an kar Jisōs make kar kōmmane.

Ruth eaar ba, “Jetōb eo an emman rein jilu ej pād wōt ilo mweo imō. Ijamin naaj meļokļok raan eo im raar bōktok meram in, meram in mool eo, meram in aenōman eo, im meram eo an Kraist. Mweo imōm eaar pād ilo marokļep, ak emōj an bar meram jen emman rein jilu, ro raar jipañ kōm ñan lōmōoren baamle eo am. Ijeļā bwe Jemedwōj Ilañ eaar jiroñ er ñan itok ñan mweo imōm, im kōmmane jermal eo an Rilōmōor.” ■

## Membōr ro ilo Marshall Islands retōpar juon Tōren Mākūtūt Eaorōk

Jen Richard Hunter

J ilñuul-ļalem iiō ko reṃootļok, Misao Lokeijak eaar Rimajōl eo jinointata eaar erom juon membōr in Kabuñ eo an Jisōs Kraist im Armej ro Rekwojarjar ilo Raan-ko Āliktata. Jilñuul jima iiō ko tokālik, eaar wōr tarin in 5,000 Armej ro Rekwojarjar ilo Raan-ko Āliktata rej jokwe ilo laļ jab in ilo Pacific in. Oran eo antone ļok ilo laļ jab in ej 64,500. Membōr ro an Kabuñ in ej ejaak in ruo district ko ilo Marshall Islands Majuro Mission, im juon Stake.

Marshall Islands ej ejaak in ruo aelōñ ko ilo Pacific in. Kwajalein ej aelōñ eo ekilep tata im Majuro ej jikin eo elōñ armej ie (capital island). Majōl eaar erom juon mōtaan United States ilo 1947, im kien e make ilo 1979.

Ekkar ñan [www.lds.org](http://www.lds.org), “ejeļok rekoot in jermal in mijenede ilo Marshall Islands ak loļok ko jen Armej ro Rekwojarjar ilo Raan-ko Āliktata mōkta jen Pata eo an Laļ in kein II. Armej ro Rekwojarjar ilo Raan-ko Āliktata jinoin raar itok āinwōt ritariņae ro ilo kar Pata eo an Laļ in kein II. Jermal in mijenede ilo aelōñ in eaar jino ilo Majuro ilo 1977 iumwin tōl eo an Hawaii Honolulu Mission. Marshall Islands eaar erom mōttan Micronesia Guam Mission ilo 1 Eprōļ 1980.”

Bwebwenato in ej wōnmaanļok wōt: “Mijenede ro jinoin tata tok ñan Majuro Atoll in raar William Wardel im Steven Cooper, raar tōkāak tok ilo 3 Pāpode 1977. Elder Fewkes, juon membōr in Kabuñ in eo eaar itok ñan Majuro in ñan jermal, raar karōk ñan kōmmani kweilok ko an Kabuñ in ilo Seventh-Day Adventists church, mae juon tōre eaar emman juon jikin. Eaar ritōl eo jinoin tata ilo kurup in. Misao Lokeijak, eo kar ba

kajjien ñan Kabuñ in ilo Hawaii, eaar peptaj ilo 23 Eprōl 1977. Jen jemlōkin lōk iio jab eo eaar wōr 27 rioktak ro ilo aelōñ in. Victor im Beatrice Merrill, ripālele ro rej jermal in mijenede jinoin tata raar jermal ilo Marshall Islands, raar tōkāāk tok ilo Majuro in ilo 11 M̄aaj 1978. Misao Lokeijak eaar kūr āinwōt juon branch būreejtōn eo jinoin ilo 11 M̄aaj 1978. Jen jemlōkin lōk 1979, eaar wōr 177 membōr ro ioon Atoll in. Juon būrookram in jemenere eaar ijino ilo 1980–1981 ilo iio in jikuul ko.”

Kabuñ in eaar wōnmaanlōk wōt ñan an eddōk-lōk ilo iio ko tok ruo. Ilo 1 Jułae 2006, Marshall Islands Majuro Mission eaar ejaak jān Micronesia Guam Mission kōn juon antoon in 12, 704 membōr ro ilo mijen eo.

Membōr ro an Kabuñ in ilo Marshall Islands rej niknik in bōk kūñaer ilo kōkajoorlōk baamle ko im jukjuk in pād ko. Iio eo lōk, jodikdik ro raar bōk kūñaer ilo juon karreo ełap ilo keponen iał ko ilo Majuro, im rūmman ded ro raar bōk kūñaer ilo juon kweilōk me eaar kobaik juon makūt-kūt ñan karreo ilo käämbōj eo an College of the Marshal Islands.

Būreejtōn Thomas Shaw ej kiiō tōl ilo Majuro Marshall Islands Mission, im eo ilo Majuro Marshall Islands Stake ej Būreejtōn Zed Zedhkeia. ■

**Elder James J. Hamula Būreejtōn eo an Eria Pacific ej iak iakwe ro rūmman ded ilo kar juon kweilōk an YSA.**

## Juon Bwebwenato in Tōmak im Wūjlepłok

**L**io Isaia jān Samalaeulu Branch, ilo aelōñ in Savaii, Samoa, ej juon emmaān eo ettā būruwōn, ekōn ejoqokok, eo me eaar jab kōñaan kōnono kake kabwilōñlōñ in ippān elōñ armej kōnke, ej ba, “Elukkuun in aorōk ñan eō.”

Eaar jino ilo Pāpode in 1996. Jemen eaar aje jikin eo an ñan Kabuñ eo an Jisōs Kraist im Armej ro Rekwojarjar ilo Raan-ko Āliktata ñan kalōk juon imōn jar. Irooj ro an jikin eo ilo Matais raar kamoik an kabuñ ko jet ekkal ilo jikin eo aer. Lio eaar etal ippān irooj rein, kar kōnono ippāer im kar bōk mālim ñan kalōk juon mōn jar edik eo kar kajutake.

Ke jermal in ekkal eo eaar ijino, Matais eaar kejekdōon mālim eo aer im kar jiroñ Būratōr Isaia ke imōn jar eo eban jutak, ak ejełok juon emaroñ kabuñjar ijen. Eaar ba ke jermal eo enaaj wōnmaanlōk wōt āinwōt kar pepe kake. Ālkin jet wiik, kar jilkinlōk enaan ñan Lio ke ñe jermal eo enaaj wōnmaanlōk wōt, rijikin ro renaaj bōk jikier ilo kajoor eo aer. Membōr ro ilo branch eo raar mijak im inepata kōn ta eo eaar wałok ñan er, ak Lio eaar jiroñ er bwe Irooj enaaj kejarok er, im ren jab inepata.

Tokālik naan eo eaar bar itok ke emmaān ro jān jikin eo rej itok ñan kakkure membōr ro ilo branch eo. Lio eaar jiroñ membōr ro ilo branch eo ke ren etal jān jikin eo im ilōk ippān baamle ko aer kōnke Matais ekar kōñaan wōt e.

Eaar juon raan eaiboojoj ke Lio eaar jerkak, tutu, kōñak nuknuk in Jar ko an im kar kōttar ilowan m̄weo imōn ilo raan eo me enana. Būratōr ro an ļalem raar itok ñan m̄weo imōn ilo jibboñon eo, ñan ļomōoren e ełañne eaikuj. Eaar jiroñ er ñan jepłak lōk ñan ippān baamle ko aer kōnke eban wōr ire, im ren jab aikuj inepata kōn jabdewōt.



IMAGE COURTESY OF MARSHALL ISLANDS MAJURO MISSION AND USED WITH PERMISSION.



**Stake Būreejtōnji eo ilo Pu'apu'a Savaii: Iq̄lep̄lep̄ Lio Isaia; tuamiñ-Būreejtōn Aileone Stowers, rikakpilōklōk eo kein kajuon; im tuanmoŋ Būreejtōn Teleni Taala, rikakpilōklōk eo kein karuo.**

Em̄maan ro jān jikin eo raar tōkāāk tok ilo rālepen eo ilo m̄weo im̄ōn Lio. Raar jiroñ e bwe en kariab Kabuñ in, ak ñe ejjab renaaj bōke im̄aan k̄oŋnjeļ eo an jikin eo. Ke eaar mākoko, raar jol̄ok e ioon laļ, kar lukwōj pein im neen, im kar bōk e iq̄lepen jikin eo. Matais eaar jiroñ Lio bwe Kabuñ eo an “Mormon” ejjab ruwainene tok ilo jikin eo aer; eaar aikuļ in kariab an membōr; im bwe ej aikuļ in meļokļok kōŋaan ko an ñan kalōk im̄ōn jar eo, ak ñe ejjab enaaj mej.

Lio eaar bar jiroñ er bwe eaar eñin Kabuñ eo an Irooj, im ejeļā bwe Irooj enaaj kar kejparok e. Eaar ba, “Iaar eñjake wōt an aenōm̄man etal wōt ilo aolepen tōrein eñtaan ko, mekarta ñe raar

jol̄ok eō ilo laļ im kōm̄man jabdewōt.” Em̄maan ro rōm̄man ded ilo jikin eo raar ipere āinwōt juon menin mour im likūt e iq̄lep̄lep̄ in juon jikin ejouj kane. Innām raar ajel āinwōt juōn doulul in aļaļ ippān kein kattil ilo peier.

Ke aolep men kein raar wōnmaanļok wōt, kōd̄o in wōt ko rekilemej raar waļok ilōñier. Eaar juon iien eo āliktata ñan an Lio ukōt ļōm̄nak eo an, ijoke eaar bar kwaļok tōmak eo an edim ilo Jemedwōj Ilañ. Em̄maan ro raar tile alal ko . . . im Lio ekar eñjake okm̄ñāān in kijek eo. Ejjab eto eaar wōr juon jarom̄ ekajoor, im juon jaurur eļļaaļ me eaar kamijak aolepen rijikin eo; armeļ ro raar etal jān e. Juon wōt eļap eaar kune kijek eo.

Ilo jinoin ejjelok en eaar makutkut; innam emman ro raar kajieon nan bar tile kijeek eo, ak wot eo elap eaar komman bwe ren jab. Wot lelep eo eaar komman elap tarpok im armej ro raar ettor im kojato. Leddik eo eruttotata nejin Lio, Sefulua'i, eo im eaar kitilaaeket iturin, eaar etal im jipan kope-rane jemen im mijal to ko an, ijoke emman ro raar jibwe im kar iunlok.

Lio eaar pad wot ilal kon ruo awa ilo an wot wot, ae in den eaar jepolep e. Innam, ilo 6 awa jota, buliimman ro raar tokaak ippan tok korā eo ippan Lio eo im eaar ilok nan mon buliimman eo ilo Tuasivi nan kapukot jipan ilo tore eo raar bok Lio nan jikin eo.

Raar boke Lio nan mon buliimman im kar rojane nan komman kinaaklok ko, ijoke eaar abwin ilo an ba, "Ij jeorlok aer bod. Konaan eo Ao dein ej bwe en jutak imon jar eo am, im bwe komman maron kabunjar nan Anij ainwot am konaan." Aolep men raar emman iumwin allon ko tok ruo; innam jermal in ekkal eo ilo imon jar eo eaar wonman-luk wot.

Innam, juon bon, rijikin eo an Matais raar ba bwe mweo imon Lio en bwil, im im bwe jikin kal-lib eo an baamle eo en jorraan. Lio im baamle eo an—ekoba ajri ro nejin, ro jein im jatin im baamle ko aer, im lolap eo jemen—raar diwolok jan jikin eo aer im kar etal nan capital city eo, Apia, epad ilo aelon in Upolu. Ijo raar kappok aer rijumae.

Jikin Ekajet eo Eutiej an Samoa eaar kile jouj eo an Lio, e im baamle eo an raar maron in bar roql nan Savaii, im ijo jikier, Samalaeulu.

Jilu iio tokalik raar pad ettolok jan kapijukunen eo aer im eaar pen nan baamle eo an Isaia. Ijoke, ke raar roql lok raar lo bwe men ko relukkuun in oktak ilo jikin eo. Elon iaan rijikin ro raar kobatok ilo Kabun in im raar bar karuwaineneik Lio im baamle eo an. Eaar bok juon taitol in Irooj, im eaar jino erom juon eo elap kar kautiej e ilo jikin eo an. Kiiō ej pad ilo aenomman ippan ro riturun, ro ekkā aer lo e ilo ial eo, rej idik pein, im kile

kon tomak eo an im wujleplok eo an nan Jemed-woj Ilañ im Kabun in.

Lio eaar ba emoj an jolok an aolep bod, barain-wot emman ro raar aini kane im kar kajieon in tin tile e ilo raan eo. Ilo mool, juon iaan emman ro eaar koba tok ilo Kabun in tokalik, im eaar kur nan jermal ainwot juon rikakpiloklok nan Branch Bureejton Isaia, Lio eaar tiljek ilo jermal eo an ain-wot juon Branch Bureejton kon jonouljuon iio ko.

Mongongō elap iturin mejen Lio ilo an bar keme-mej ekojkan an jemen—eo edik, ejeramol, rikallib eo etā buruon—kar jutak ilo turejet eo juon ilo ejjelok pere, kar lukkuun iakwe e im kar jipan e ilo tore ko reppen ke raar jab komalim nan roql nan jikin eo aer.

Ilo 18 Maaj 2012, Elder F. Michael Watson eo an Jiljiljuonoul eo eaar tol ilo kweilok eo ijo Bura-tor Lio Isaia kar rejetak ainwot Bureejton eo ekal kar ejaak e ilo Pu'apu'a Savaii Samoa Stake. ■

## Jej Aolep Būratōr im Sister

**E**lder Taniala Wakalo, Eria Jiljiljuonoul eo jan Fiji, eaar pad ilo airport eo ilo ial eo an lok nan Kiribati ilo iien eo ej ioon Sister Iairi Taratieru eo eaar tin delone lok immigration department eo mokta jen an uwe ilo baluun eo. Liin eaar kadedelok 18 allon ko in an jermal in mijenede ilo Tennessee Nashville Mission im ilo ial eo an lok nan kapijukunen. Elder Wakalo eaar kwalok kadkad in e make nan mijenede in ej roql im korā ro ruo raar jutak iturin, im kar kajitokin korā ro jet elanne rej membōr in Kabun

in. Eaar ilbok bwe eaar jelā ke rejjab; im bwe rej kab jelā kajien Sister Taraieru raan eo mokta lok.

Iairi eaar komeleleik bwe meñe eaar mok jan ito-itak ko enañin jilu raan ko aetokan, liin eaar lukkuun in itok limo in bar koba ippan baamle eo an. Ijoke, roñoul minit mokta jen an baluun eo jok ilo Fiji raan eo mokta, eaar mweer nan lale tikot eo an. Liin eaar jelā tok alik bwe baluun eo jan Fiji nan Kiribati eaar jab karok nan an kelak mae 4:30 ilo jimarok in raan eo juon—im liin eaar



**Sister Iairi Taraieru ippān RiFiji ro mōttan.**

ejjeļok jikin nān an pād ilo Fiji.

Eaar ba, “Men eo mōktata eaar juk tok ilo kōļmānļokjeņ eo eaar bwe Ij aikuj in kar jar. Ālkin Aō kar jar, juon eņjake emāņāān eaar kobrak eō, juon eņjake in kaenōmņman im inemņman . . . jeļā bwe aolep men renaaj emņman.”

Ke eaar jok tok, Iairi eaar pukot nōmba in taļboon eo an stake būreejtōn eo, ak eaar jab

loe, ak jabdewōt nōmba ko an ro mōttan im ro nukun rej jokwe ilo Fiji. Eaar ejjeļok an ļōmņak enaaj aikuj kiki eļāņņe ej iten kar pād wōt ilo airport eo mae raan eo juon, im ālkin emakūt in an eaitok, eaar lukkuun in mōk. Āliktata, juon ruwamejet eaar itok nān ippān im kajjitōk eļāņņe ar wōr juon jikin nān an pād. Sister Taraieru eaar ba, “Eaar lukkun jouj ilo an kōnono,

im kar emņman nān nā, im Iaar eņjake bwe liin eaar juon armej emņman im bwe Ij lōke e. Innām iaar jiroņ e im sister eo jein eo im eaar pād ippān, bwe ejjeļok jikin nān Aō pād, im Iaar ba wōt ke ewōr ro nuku im ro mōtta ilo Fiji rej jokwe ettoļok im Ijaje ekōjkan aō tōpar er.”

“Ri Samaria” eo emņman eaar karōk bwen kejarok Iairi boņōn eo. Raar bōk e nān mņweo

m̄weer ijo kar ruwaineneik jen baam̄le eo aer. Raar leḷok n̄an e juon ruum̄ eo ejokne, im kar kōm̄man em̄man n̄an e āinwōt juon rilotok ebuñbuñ. Iairi eaar ba bwe eaar eñjake an utiej, kar em̄man aer oñaake. “Iakwe eo aer eaar kabwilōnlōñ, Ikōñaan bwe In kar kwaḷok kōn joñan kōjeram̄man eo Iar wojake n̄an ioon baam̄le in, re kabwilōnlōñ. Rej jet waanjoñak ko rem̄man kōn iakwe eo āinwōt-Kraist, im m̄oñōñō in jipañ. Ej juon naan in kam̄ool eo em̄man n̄an lo ekōjkan an Anij likūt armej ro An ilo iaḷ eo ad n̄an jipañ ilo iien aikuj.” Eñjake in eaar kōkajoorḷok naan in kam̄ool eo an Iairi. “Ij kam̄oolol kōn jeḷāḷokjeñ eo an kōjpeḷ in; jeḷā bwe jejab make iaad, im pein Anij ej aolep iien erḷok tok n̄an jipañ kōj.”

M̄okta jen an jepḷaak n̄an airport eo, Sister Taraieru eaar maroñ in kōnono n̄an baam̄le in kōn Bok in Mormon im leḷok n̄an er juon bok āinwōt juon menin leḷok.

Elder Wakalo eaar kwaḷok an kam̄oolol n̄an kōrā rein rejouj, ilo etan Kabuñ in, kōn jouj eo aer im ḷōm̄nak eo n̄an oñaake juon iaan rijerbal ro an Irooj, juon sister mijenede eo emake ilo juon laḷ eo ejaje kake. Eaar im̄we n̄an lo em̄akūt eo ilo kōjpeḷ in, im wūjḷepḷok, “Juon bwebwenato em̄man. N̄an lo pidodo in em̄man eo an kōjpeḷ in emour im em̄man.” ■



JISÓS KRAIST, HARRY ANDERSON

MARSHALLESE